

Při skónčenju šule modlachu so džěci po wurjekowanju mojeje spěwařki takle:

Lass mi dein sei on bleibn  
Du treuer Gott uns her,  
Lass von dich dich treibn  
Lass mi bei keiner Lehr  
De Herr lass dich dich kranke  
Gif mr Besdántigkeit  
Dafyr wyr mich fyr danken  
In aller Ewigkeit Amen!  
Leben Si woll, Hrr Lärer! — —

To je pokazka! Podobne wěcki móhli so drje ze wšelakich šulow napisać. Što praji k tomu swědomje, što rozum?!

### Wo ethnografiskich khartach Serbowstwa.

1) Štož je mi znate, stej najstaršej kharće, na kotrymajž su pomjezy serbskeje rěče a narodnosće woznamjenjene, a) kharta w atlas-u Hondiusa († 1640) z napisom: *Lusatia superior* auctore Barthol. Sculteto, Gorlitio; a b) kharća w Zeller-owej knizy: *Topographia Saxoniae, Lusatiae etc.* z l. 1650. Wobě kharće pak jenož mjezy hornjołužiskeho Serbowstwa podawatej a stej khětro njewěstej. K wječoru: Roland (Rólany), Ortrant, Schmorke (Ponchawecy), Camens (exclus.), Elster (excl.), Pritis = Protecy (excl.), Pólsnitz (excl.), Burcke = Porchow (excl.), Oyest, Polaw (excl.), Bischofswerda (excl.), Cantroi (?), Gausig, Crosta (excl.), Beersdorf (excl.), Schonbach (excl.), Ottenhain (Wotlěhań), Bischdorf (Biskopicy), Windisch Polsdorff (S. Pawłecy), Melaune (Měrjow), Arnsdorff (excl.), Seiffersdorf (inclus.), Ulersdorf — Jenckendorf — Horka (excl.), Usdorff = Uhsmanndorf (excl.), Trepitz — Trěbuz (incl.), Sprehe = Spree (excl.), Henchen = Hänichen (incl.), Trobitz — Dubc (excl.), Klein Prybus — M. Přibuz (incl.), Prybus (excl.), Pechern = Pěché, — Wendisch Moste = Mósty (incl.), Grefenhayn (excl.), Zeisdorf — Eckartsberg = Eckartswald (incl.), Linderode (excl.).

2) Šafařík na swojej ethnografiskej kharće cyłeho Słowjanstwa: *Slovanský Zeměvid*, v Praze 1842 (3. nakład 1849) w knizy: *Slovanský Národopis* woznamjenja tež sobu pomjezy serbskeje narodnosće (přir. R. Andree, *Wanderstud.* p. 177).

3) W l. 1843 wuda naš J. E. Smolef swoju wulku serbsku khartu jako přidawk k svojim „Pěsničkam hornich a delnich lužiskich Serbow“, kotraž je wot wšěch dotal wudatych serbskich khartow naj-dospołniša. Wona wobsahuje nimale wšě wsy lužiskeje krajiny wot Serbow wobydleneje, je pak dawno rozpredata.